



**REGIONE AUTÒNOMA DE SARDIGNA  
REGIONE AUTONOMA DELLA SARDEGNA**



**COMUNU DE PAULI**

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

## **FESTA DE MAMAI, CANDU S'AFESTAT E POITA: IS ORÌGINIS, SA DATA ( CA MUDAT DA NATZIONI A NATZIONI) E IS CURIOSIDADIS**

Dònnia annu, millionis de personis in totu su mundu afestant una de is prus diis carinniosas de totus: sa Festa de Mamai. Custa dii speciali est in onori de is mammas e pruschetotus is figuras maternas, cumentis is ajajas, sogras e mammas adotivas, po s'amori chentza conditzionis e s'agiudu ca oferrint a is fillus insoru. Mancai siat famada, custa data mudat da una nazioni a s'àtera, a cunforma de is traditziunis culturalis e stòricas diferentis. Ocannu afestaus su 12 de maju!

### **IS ORÌGINIS ANTIGAS**

Po cumentis est connota oi, sa festa de Mamai tenit arrèxinis in traditziunis e sìmbulus acapiaus a sa veneratziuni de sa figura materna.

Custas arrèxinis torrant agoa in su tempus, a is festas paganas po sa Terra de Mamai e a si divinidadis feminilis. In sa Grècia antiga sa prus figura chi contàt fiat Rea, sa mama de totus is deis de s'Olimpu. Rea fiat arreconnota cumentis a diosa de sa fertilitadi e de sa maternidadi e is Aregus dd'afestànt dònnia annu po ddi offerri arregalus e ddi torrant gràtzias po s'intercessioni sua me in sa creatzioni e ingeneratura. Fintzas in Arroma, sa

figura de Cibeles, diosa mamai lòm pia da s'asia Minori, teniat unu ruolu giai aguali. Is festas suas, nodias cumentis Ludi Megalenses, si faiant a mesu abrili e fiant paradas, giogus e teatru.

## **OI POITA S'AFESTAT?**

Oi sa festa de Mamai tenit nàscida differenti a segunda de su logu. In Amèrica sa festa dd'at primitziada Anna Jarvis, ca in su 1908 cuncordat una festa po sa mama in Grafton, West Virginia, e apustis batalla po fai arreconnosci sa festa a livellu natzionali. In su 1914, su presidenti Woodrow Wilson decrarat ca su segundu domìnicu de maju est sa festa de Mamai in Amèrica. Sa mira de Anna Jarvis fiat cudda de onorai una borta a s'annu su traballu de is mamas ca tenint a incuru is fillus insoru.

## **CANDU S'AFESTAT?**

Sa Festa de Mamai si fait in diis diferentis a segunda de sa Natzioni. In Amèrica est su segundu domìnicu de maju e àteras natzionis puru faint sa matessi cosa, a tipu Canada, Austràlia, Nuova Zelanda, India, Cina, Giaponi, Filipinas e parìcias natzionis europeas cumentis s'Itàlia e Germània. Àteras natzionis, cumentis su Rènniu Auniu ca sa festa est nodia cumentis “Mothering Sunday” est marcada po su de cuàturu domìnicu de Carèsima. In parìcias natzionis de is àrabus, sa festa est su 21 de martzu, ca torrat cun s'ecuinòtziu de beranu, mentras in Thailandia s'afestat s'anniversàriu de sa nàscita de sa reina Sirikit, su 12 de austu.

## **POITA SA DATA CAMBIAT DA NATZIONI A NATZIONI?**

Su mudai de is datas intre is Natzionis est acapiu a chistionis culturalis, religiosas e stòricas de sa festa. In su Rènniu Auniu sa “Mothering Sunday” teniat orìginis cristianas ca fiat sa dii chi is fidelis torrant a sa crèsia de mamai insoru po unu servìtziu speciali. In su tempus s'est mudada in una festa làica, a tipu cudda americana. In Thailandia sa festa torrat candu fait is annus sa reina madri.

# FESTA DE MAMAI IN ITÀLIA

In Itàlia, sa Festa de Mamai est intèndia meda, fata su segundu domìnicu de maju.

Sa Festa s'incarrerat intamis de sa segunda guerra mondialì, faci a su 1956. In cuddu annus, Raul Zaccari, senatori e sindigu de sa citadi de Bordighera, iat primitziau a manera uficiali custa festa. S'annu imbinenti, in su 1957, Don Otello Migliosi, predi de Assisi, cuncordat una festa giai aguali, agiudendi a spainai sa tradizioni.

## CURIOSIDADI

Mancai Anna Jarvis iat primitziau sa Festa de Mamai, in is ùrtimus annus de sa vida sua iat batallau contra sa comercializazioni de sa festa. Ma su tretu at sighiu e is froris, pruschetotu is margheritas e is gravellus si ndi funt pesaus a sìmbulu de sa Festa de Mamai. Is gravellus arrosa benint imperaus po onorai is mammas ancora bias, invècias cuddus biancus po arremonai is mammas mortas.